

جَزَائِرُ مَحَاكِرِ

جمعه ایرتسی

نومرو	محرم	سنه	حزيران	سنه	محيفه
۸۷۹	۸	۱۳۱۴	۸	۱۳۱۲	۱۲۳۸۱

(اشبو غزته بهر هفته جمعه ایرتسی کونلری چیقار . سنه لکی درسعادت ایچون مجیدیه یکر می فروش)
 (حسابیله التمش فروشدر . طشمره لر ایچون اون بش فروش پوسته اجرتی ضم اولنور . بهر)
 (نسخہ سی ینہ مجیدیه یکر می فروش اولوق اوزره یوزبارہ به هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلیدر)

قسمت سہی

(فی ۳ محرم سنه ۳۱۴ وفی ۳ حزيران)
 (سنه ۳۱۲ تاریخچه بالجمله ولايات استيناف)
 (محکمه سی مدعی عمومیلرینه ومدعی عمومی)
 (بولنمیان محاکم مدعی عمومی معاو نلرینه یازیلان)
 (تخریرات عمومیہ صورتیدر)

تبعہ صادقہ شاهانہ نك دائما نائل رفاه و عدالت
 اوللری و هیچ بر کیسه حقنہ ادنی مرتبه تجاوز

و تعدی وقوعه کلیوب هر کسک عرض و جان و مالجه
 دوام تمامی مصونیت و راحتلری ولی نعمت
 بی متمیز ذات خلایق سلمات افندمن حضرتلر ینک
 نخبه آمال مراحم اشتغال ملوکانه لری بولندیقندن
 کرک طشمرده و کرک درسعادته بولنان بالجمله
 مأمورین ملکيه وعدلیه طرفلرندن قانون و وظیفه
 دائره سنده حسن حرکت ایدلمسی و خلاف رضای
 عالی احوالده بولنانلر اولور ایسه در حال نحت
 استنطاق و محاکمه به النهرق حقارنده لائق اوله جق
 حکمک قاعده اجرامی و وظائف مودوعه سنی
 ایفاده تجویز تکاسل و تراخی ایلیان صنوف

قسم غیر رسمی

محکمه استیفاف حقوق قسمتند ۱۶ اغستوس
سنه ۳۹۹ تاریخی و یوز قرق بر عددی ایله صادر
اولان اعلامک تمیزی استیفا ایدن در سعادته
الاجه حامده باقرچی دکاننده ساکن باقرچی
اصنافدن قسطنطنی و کلی اسماعیل حق افندی ایله
مدعی علیه محل مذکورده یکر می اوچ نومرولی
مغازه مقیم حاجی یناکی و کلی شوکت بک یوم
معینه داتره به کلد کردن ایضاحات شفاهی لری
استماع قلندقدن صکره تدقیقات تمیزیه اجراسنه
استدار اولندی .

اعلام مذکورک خلاصه مالی مرقوم
قسطنطنیک برادرلری اسقور و کره کی ایله نصفه
متصرف اولدقلری الاجه حامده واقع بکرمی
اوچ نومرو ایله مرقم اولان دکاننده دکان
مذکورک نصفه متصرف اولان مزبور حاجی
یناکیک مستأجراً اقامت ایتمکده اولدینی جهتله
ذمتده ایشلمش بولسان اجر مثلك مع فائض
تحصیلی طلب و دعوی اتمی اوزرینه بدایه
اجرا قلنان محاکمه و تدقیقانه بیغرض اهل خبره

مأمورینک دخی مسئول طوتلمسی و الحاصل
افراد اهالینک استکمال اسباب رفاه و راحتلرینه
بک زیاده اعتنا و ناطولی جهتمده بعض محالرده
اهل زراعتک حادثه منفعه دن طولانی وقتیه
اجرای زراعت ایدماملری یوزندن مضطرب الحال
بولدقلری واصل سمع تأسف عالی اولدیفندن
انلرک دخی اعانه قومیسوئلری و اصول و نظامی
داتره سنده زراعت صندوقلری معرفلری ایله
تمیه و تهوین احتیاجاتی تدایرینک تمامیه ایقایی
قطعیاً شرفصدور بیوریلان اراده سنیة جناب
خلافینهای ایجاب عالیه سندن اوله رق بر منطق
امر و فرمان هایون ملوکاه دواتر لازمه ایله تعمیماً
ولایانه و طوغریدن طوغری به اداره ایدیلان
متصرفلقلره اجرای تبلیقات ایدلمش اولمقله
نظارتجه دخی امر و فرمان حکمت بیان جناب
شهنشاهی حکم جلیله توفیقاً معامله و حرکت
و عکسی خالندن توفی و مجانبت اولغسی لزومک
لازم کلانلره تفهیمی بوکره باند کره سامیه
اراده و اشعار بیورلمش اولمقله اشبو امر و فرمان
عدالتیان حضرت خلافینهای داتره سنده حسن
ایقایی وظیفه به کال درجه دقت و اهتمام .

وبی اساس ایدوکی بیانیه ردی و اعلامک تصدیق
طلبندن عبارت بولمشد .

ایجابی مذاکره اولدقدن اعلام مذکورک
نتیجه مالی مزبور حاجی یناکیدن ایشلمش
اولان اجر مثلك تقدیری لزومنه داتر ایکنجی
حقوق محکمه سندن ویریلان اعلامک
عندالاستیفاف فسخیه بروجه محرر مزبور
قسطنطنیک معارضه دن منعه حکمدن عبارت
اولمسنه نظراً حکم مذکور اسباب موجبیه
مستند اوله رق موافق اصول و قانون اولدیفنه
و مستدعی تمیز قسطنطنیک بالاده محرر اعتراضیه
اعتراضات سائره سی نقض حکمی موجب اسباب
قانونیه دن کوریه مدیکنه بناءً اعتراضات
مذکورک ردیه اعلام مذکورک تصدیقه
وزیرده مقرراتی مرقم یوز الی اوچ بیق غروش
مصارف تمیزیه نک مستدعی به عائد اولق اوزره
اول امرده مدعی علیه حاجی یناکیدن التمسینه
۱۲ کانون اول سنه ۳۹۱ تاریخده متفقاً قرار
ویریلرک تفهیم قلندی .

و ارباب وقوف معرفتیه اجر مثلك تقدیری لزومنه
داتر سعادت ایکنجی حقوق محکمه سندن ویریلان
اعلامک استیفافاً فسخیه جریان ایدن محاکات
و تدقیقات نتیجه سنده مزبور حاجی یناکیک
دکان مذکورده مشترک اولمسیله تأویل ملک
صورتیه اقامه ایتمکده اولدینی تحقق ایتمش و بوباید
اجر مثل لازم کلیه جکی مجله نک بشور طقسان
بدنجی ماده سی اقتضاسندن بولمش اولمسنه مبنی
اصول محاکمه حقوقیه قانوننک یوز طقسان التجی
ماده سی موجبیه مستألف علیه قسطنطنیک
معارضه دن منعه حکمدن و مستدعی تمیز
قسطنطنیک اشبو حکم علیه لایحه سنده محرر
اعتراضاتنک باشلوجه سی دکان مذکورک
معدالاستعمال اولدینی نصفی سنین سابقه ده باقاوله
نامه ایجار اولمقله حصه مذکورده ایچون اجرت
لازم کله جکی درکار اولوب اولباده کی عقدک انکار
اولدینی تقدیرده مقاوله مذکورده و صورسائر
ایلل اثبات اولمجنی و اسباب فسخیه نک نه دن
عبارت اولدیفنک اعلام استیفافیه صراحةً
کوسترلکمزین معارضه دن منعه حکم اولغسی
بولسز و مقایر قانون اولدیفندن بختله اعلامک
نقض استیفا سندن و مدعی علیه حاجی یناکیک
نتیجه اجوبه سی اعتراضات مسبروده نک واهی

درس عادت بدایت محکمه سی برنجی حقوق
داره سندن ۱۱ نisan سنه ۳۱۱ تاریخی وسکسان
الهی عددی ایله ویریلان اعلامک تمیزینی استدعا
ایدن اسکاداره سلیمیه محله سنده حمام جاده سنده
یدی نومرولی خانه ده ساکن اوقاف هایون نظارت
جلیله سی اوراق اوطه سی بمیزی بیجان افندی
وکیل ابراهیم حق بک ایله مدعی علیه اوقاف
هایون نظارتی تحتند دکانده مقیم خره لمبوس
وکیل سعید افندی یوم معینده دائره به کله رک
ایضاحات شفاهیه لری استماع قلندقدنصره تدقیقات
تمیزیه اجراسنه ابتدار اولندی.

اعلام مذکورک خلاصه مالی مرقوم
خره لمبوسک مومی الیه بیجان افندی ذمتده
ضایع ایلدیکی برقطه سندن موجبجه الاجفی
اولان بیک یوز سکسان ایکی غروشک مع فائض
تحصیلی طلب ودعوی ایتسی ومومی الیه بیجان
افندینک دعوته اجابت ایتماسی اوزرینه وکیل
مسخر حضوریه اجرا قلنان محاکمه و تدقیقات
نتیجه سنده اعتراض وقوعنده اثبات مدعا
ایتدیرملک اوزره طلب اولنان مبلغ مذکورک فائض
نظامیسیله معاً مدعی علیه بیجان افندیدن تحصیلنه
دائر صادر اولان اعلام غیابی علیهنده مومی الیه

بیجان افندی جانبدن وقوعبولان اعتراض
علی الحکم استدعاسی اوزرینه تعیین اولنان کونده
معترض مومی الیهک عدم اجابتی اوزرینه اعتراض
استدعاسنک ردینه حکمدن واشبو حکم علیهنده
مستدعی تمیز بیجان افندینک باشلوچه اعتراضی
هر دعوی مدعی علیهک اقامتکاهی محکمه سنده
رؤیت اولنق قانون اقتضاسندن اولدینی جهتله
دعوی واقعه نک کندی اقامتکاهی اولان
اسکدار محکمه سنده رؤیتی لازم کلور ایکن محل
ماموریتک اقامتکاه عدیلده درس عادت بدایت
محکمه سنجه صلاحیت خارجنده اوله رق رؤیت
وحکم اولنمی وکیل مسخرک انکاری اوزرینه
خصمه اثبات مدعا ایتدیرلمسی واثباتدن اظهار
عجز ایلدیکی تقدیرده عینیه تعلیقاً حکم وقرار
ویرلمسی اقتضا ایدر ایکن بودائرة قانونیه ده
اجرای معامله اولنامسی مغایر قانون اولدیفندن
بجمله اعلامک نقضی استدعاسندن ومدعی علیه
خره لمبوس وکیل سعید افندینک نتیجه جوابی
دخی اعتراض مسروده نک واهی و بی اساس
اولدینی بیانیله ردی وموافق قانون اولان اعلامک
تصدیق طلبندن عبارت بولنمشدر.

اول امرده مستدعی تمیز بیجان افندینک

تاریخنده متفقاً قرار ویریله رک تهمیم قلندی.

یلواج بدایت محکمه سندن ۲۶ تشرین اول
سنه ۳۱۰ تاریخی ویکرمی ایکی عددی ایله
ویریلان اعلامک تمیزینی خزیننه جلیلله اضافتله
محلی حکومت سنیه وکیل طرفندن استدعا ایدلمش
ویوم معینده خزیننه جلیلله وکیل سعادتلو رشید
افندی ایله مدعی علیه یلواج قضاسنده مقیم ملتزم
علی ومصطفی افندیلردن یالکز مصطفی افندی
وکیل محمد توفیق افندی کلوب علی افندی کلامش
اولدیفندن وکیلان مومی الیهک ایضاحات
شفاهیه لریله باش مدعی عمومی معاوئلردن ابراهیم
بکک مطالعه سی استماع اولندقدن صکره تدقیقات
تمیزیه اجراسنه ابتدار اولندی.

اعلام مذکورک خلاصه مالی مومی الیه
مصطفی افندی کفالتیه مزبور علی افندینک
اوجیوز اوج سنه سی تخیار قریه سی اعشارینی
بامقاوله نامه بدل عینی ایله درعهده والتزام ایتسندن
طولانی خزیننه جلیلله به دینی اولان قرق کیل
جدید خطه و اوج بحق کیل شعبهک ملتزم مومی الیه

درمیان ایلمش اولدینی صلاحیت اعتراضی
مدافعات ابتدائیه دن اولوب مستدعینک تمیزاً
مساغ قانونی اولدینی جهتله رد اولندقدن صکره
اساس ماده نک ایجابی مذاکره اولندقدن بدایه
مدعی علیه بولنان بیجان افندینک وقوعبولان
دعوته اجابت ایتماسی اوزرینه محافظه حقوقی
ضمننده محکمه جه تعیین اولنان وکیل مسخر
حضورنده مدعینک دعوی وینه سی بعدالاستماع
نبوت بولدینی تقدیرده حکم ایدلمک واثبات
ایدیه مدیکی صورتده بیجان افندینک تحلیفه
تعلیقاً قرار ویرلمک لازم کلور ایکن درجه اولی
محکمه سنجه بوراسنک فطر اعتباره التفسیرین
اعتراض وقوعنه تعلیق مصلحت ایدلمسی یولسر
واصول و قانونه مغایر بولنمش اولدیفندن اصول
محاکمه حقوقیه قانونک ایکبوز اوتوز ایکنجی
ماده سی موجبجه اعلام مذکورک تقضیه قانون
مذکورک ایکبوز قرق در دنجی ماده سی حکمنه توفیقاً
کیفیتک بوجه مشروح یکیدن بالرؤیه اعلامه
ربطی ضمننده محکمه مذکوربه اعاده سنه وزیرده
مفرداتی مرقم اوجیوز الی درت بحقی غروش
مصارف محاکمه نک ایلروده حقسز حقیقه حق طرفه
رجوع ایتک اوزره اول امرده مستدعی مزبور
بیجان افندیدن اخذینه ۲۸ تشرین ثانی سنه ۳۱۱

علی افندی ایله کفیلی من بور مصطفی افندی
بدلاً تحصیلنه دائر مقدما محکمه مذ کورده دن
صادر اولان اعلامك تصحيح قرار اوزرينه
تمیزاً نقض واعاده سی اوزرينه بئكار محکمه
مذ کورده جريان ایدن محاکمه و تدقیقات
نتیجه سنده مدعا به اعشار مثباتدن اولوب عیناً
اعطاسی مقتضای قانونیه دن اولدیفندن خزینه
وکیلک بدلاً تحصیلی حقیقه کی ادعاسنك ردیه
غیر از تسلیات قرق کیل جدید حنطه و اوچ ییق
کیل شعیرک ملتزم و کفیل من بوران علی و مصطفی
افندیلردن عیناً تحصیلنه حکمدن و مستدعی خزینه
مشار الیها و کیلی رشید افندیك اشـبو اعلام
علیهنده خلاصه اعتراضاتی مقدما تمیز تصحیح
قرار استدعاسی من بور مصطفی افندی اعطا ایتیش
اولدیفندن اخیراً درجه اولی محکمه سنجه جريان
ایدن محاکمه ده علی افندی به خصومت توجه
ایتمز ایکن انکدنخی محاکمه به ادخال ایدلسی
و حکمك علل و اسبابنك اعلامه درج اوانامسی
مقابر قانون اولدیفندن بختله اعلامك نقضی
استدعاسندن و مدعی علیه وکیلک نتیجه جوابی
دخی اعتراضات مسروده واهی اولدیفندن ردیه
موافق اصول و قانون اولان اعلامك تصدیق
طلبندن و معاون موسی الیهك مطالعه سی دخی حکم
ابتدائی تمیزاً نقض اولنسی اوزرينه اخیراً اجرا
قلنان محاکمه دعوت واقعه به منی ملتزم اصل

ایجابی مذاکره اولدوقده اعلام مذ کورک
نتیجه مالی خزینه جلیله نك من بوران علی و مصطفی
افندیلردن ادعا ایلدیکی اعشارك عیناً ایفاسی
اولیاده کی شرطنامه و ذخائر مذ کورده نك مثباتدن
اولسیله حکم قانون اقتضاسندن اولدیفنه بناء
عیناً تحصیلنه حکمدن عبارت اولسنه نظراً حکم
مذ کور اسباب موجبیه مستند و اصول و قانونه
موافق اولدیفنه و مستدعی خزینه مشار الیها
طرفندن درمیان اولنان اعتراضات نقض حکمی
موجب کوریه مدیکنه منی ردیه اعلامك تصدیقه
وز برده مفرداتی مرقم التمش سکز ییق غروش
مصارف تمیزیه نك مستدعی خزینه مشار الیها به
رجوع ایتک اوزره اول امرده مدعی علیه ما علی
و مصطفی افندیلردن التمشه ۱۸ کانون اول سنه ۳۱۱
تاریخنده متفقاً قرار ویرلدی .

اماسیه بدایت محکمه سندن ۲۵ تشرین اول
سنه ۳۰۸ تاریخی و الی بر عددی ایله صادر
اولان اعلامك تمیزی استدعایدن مالیه خزینه
جلیله سی طرفندن یوم معینده بروکیل کوندرلدیکی
کی مدعی علیه اماسیه قصبه سنك صوفیلر محله سنده
مقیمه اوخان اوغلی مفر زوج سی اوقسننا قادی
دخی اجابت ایتدیکندن باش مدعی عمومیک
مأموریت علیه سنك مطالعه نامه سی التقدیر نکره
اصول محاکمه حقوقیه قانوننك ایکوز یکر می
طقوزنجی ماده سی موجبجه تدقیقات تمیزیه
اجراسنه ابتدار اولندی .

اعلام مذ کورک خلاصه مالی من بوره اوقسننا
قادی زوجی مفرک اماسیه به تابع حقله ناحیه سنك
دده جی قریه سنده کائن متصرف اولدینی ایکی طاش
دوران ایدن بر باب آسیابدن نصف حصه شایعه سی
سکز بیک غروشه کندوسنه بیع و تملیک ایلدیکی
حالد زوجی مرقومك کفالتیه برادری التزام
ایلدیکی اعشار بدلندن خزینه جلیله به مدیون
اولسندن طولانی دینك تسویه سی ضمنتده
مذ کور دکر منده اولان نصف حصه سنك
زوجنك مالی ظنیه خزینه جلیله و کیلی طرفندن
تحت جزه التهرق صاتمقدمه اولدیفندن بختله

بجزك فیکله خزینه جلیله نك معارضه دن منعی
طلب و دعوی و بر قطعه سند ابراز واعطا ایتسنه
قارشو عندالحا که خزینه جلیله و کیلی دخی بیع
مذ کوری انکار ایتیش ایسه ده اولیاده اجرا
قلنان محاکمه و تدقیقات نتیجه سنده زوج مرقوم
مفرک منازع فیه دکر مندن متصرف اولدینی نصف
حصه شایعه سی زوج سی من بوره اوقسننا به
فروخت ایدرک انسانی دخی الدیفنی وینلرنده
اویولده سند تنظیم ایلدیکی اجتماع قلنان شهودك
شهادتلیله متحقق و بناء علیه نصف حصه مذ کوره
مدعی من بوره نك شراء ملک اولدینی ثابت
اولدیفنه بناء اولیاده کی بجزك فیکله خزینه
وکیلک معارضه دن منعه حکمدن و مستدعی
تمیز خزینه جلیله نك اشبو اعلام علیهنده لایحه سنده
محرر باشلوجه اعتراضی منازع فیه اولان دکر من
کفیل واصل طرفندن درعهده اولنان اعشار
بدلاتنه مقابل ترهین ایدلش و مال مروهونك
راهن ایله مرتهنك رضای اولیهرق صاتمسی
غیر جائز بولنش اولدینی خالد محکمه جه بورالری
نظردقه التهرق برمنوال محرر حکم اعطاسی
مقابر اصول و قانون اولدیفندن بختله اعلامك
نقضی استدعاسندن و مدعی علیه نك نتیجه جوابی
دخی اعتراضات مذ کورده نك واهی اولدینی

خزینة مشار البهادر الخسنة ۱۴ تشرین ثانی
سنه ۳۱۱ تاریخده متفقاً قرار ویرلدی.

ازمید بدایت محکمه سندن ۲۲ ایلول سنه ۳۱۰
تاریخی والتمش ایکی عسودی ایله صادر اولان
اعلامک تمیزی استعدا ایدن قندره قضاسی
داخلنده قره صو ناحیه سنک اینجیلی قره سنده
مقیم صوفی اوغلی احمد مضراب افندی وکیلی
مهران افندی یوم بعهنده دائره یه گلوب مدعی علیه
قریه مرقومه ده ساکن احمد اگا کلدیکندن
ایضاحات شفاهی سی استماع قلنهرق تدقیقات تمیزی
اجرا سنه ابتدار اولندی.

اعلام مذکورک خلاصه مآلی مومی الیه
احمد مضراب افندی اینجیلی قره سنده مستقلاً
متصرف اولدینی عرصه اوزرینه خان اقسا
ایدوب مذکور عرصه یه لاز احمد اگا اشتراکاً
تصرف ادا و مداخله ابتدیی کی کندوسنه تأدیه
ایلدیکی مصارف انشائی بدلاتی حسابی دخی
رؤیت ایتمکده اولدیفندن مداخله سنک منقبه
نین ایدمکک الا جفکک تحصیل طلب و دعوی

بیانیله ردی واعلام مذکورک تصدیق طلبندن
ومطالع نامه مذکور مندرجاتی اساس مال حقنده
مدعی عمومینک مطالعه سی استماع قلندی کی
منازع فی اولان دکرمنک تدقیق وتحقیق اولنامش
اولسنه مبنی اعتراضات واقعه نک موافق قانون
اولدینی بیانندن عبارت بولمشدر.

ایجابی مذاکره اولندقدده اعلام مذکور
مندرجاتندن منقهم اولدینی اوزره دعوی واقعه
حکومت ایله اشخاص بیننده متکون اولدینی حالده
اشنای محاکمه مدعی عمومینک حضور یله
مطالع سنک استماع قلنامسی و منازع فی اولان
دکرمن حقنده تدقیقات لازمه اجرا قلنمیه رق
حکم اعطاسی مغایر اصول وقانون اولوب سالف -
ال بیان مطالعه نامه مندرجاتی دخی موافق نفس الامر
کورلدیکنه بناء اصول محاکمه حقوقیه قانوننک
ایکیوز قرق برنجی ماده سی موجبیه اعلام
مذکورک نقض سنه وقانون مزبورک ایکوز قرق
دردنجی ماده سی حکمنه توفیقاً کیفیتیک بکیدن
بالرؤیه اعلامه ربطی ضمنتده محکمه مذکوریه
اعاده سنه وزیرده مقرر داتی مرقم اوچبوزاللی درت
یحق غروش مصارف محاکمه نک ایلروده حقسنز
حقیقه جق طرفه رجوع ایتمک اوزره اول امرده

افندی نک باشلوجه اعتراضی مستند حکم اولان
اعلام شرعی مشترکاً تصرفی ناطق اولیوب متولی
وقفک طلب و ادا ایلدیکی اجاره زمینک مشترکاً
تحصیلی حکمی متضمن اولوب و کندوسنک
مستقلاً تصرفی مبین ابراز ایلدیکی حجت شرعیه
ایله سند خاقانی بی حکمدن اسقاط ایتمز ایکن
بوراسنه دقت اولنامسی واعلام شرعی مجلس
تدقیقات شرعی ده در دست تدقیق اولمغله برابر
استقلال دعواسنده کندوسنک شاهی مرجع
اولدینی حالده خصمنک شاهدلرینک استماع اولنمی
مخالف قانون اولدیفندن بحثله اعلام مذکورک
نقضی استدعاسندن و مدعی علیه احمد اغانک نتیجه
جوابی دخی حکم اعلام موافق قانون اولوب
اعتراضات واقعه واهی ایدوکی بیانیله ردی
واعلامک تصدیق طلبندن عبارت بولمشدر.

ایجابی لدی المذاکره اعلام استینافی مذکورک
خلاصه مآلی منازع فی عرصه نک طرفین بیننده
مشترک ایدوکی لاز احمد اگا جانبندن مضمونی
شهادت شخصیه ایله اثبات ایدیلان اعلام شرعی
ایله محقق اولسنه بناء طرفینک منازع فی عرصه یه
مشترکاً تصرف ایتمزین دایر ویریلان اعلام
غیابینک اعتراض علی الحکم عر فحالی اوزرینه

ایتمی و مدعی علیه احمد اگا دخی مذکور
عرصه یه بالاشتراك تصرفلری مدافعه تذکار
وبرقطه اعلام شرعی ابراز واعطا ایلمسی اوزرینه
مشترکاً تصرفلرینه دائر قندره بدایت محکمه سندن
صادر اولان اعلامک ازمید بدایت محکمه سنجه
استینافاً فسخیله مومی الیه احمد مضراب افندی نک
مستقلاً تصرفی حاوی ویریلان اعلامک تمیزی
بالتدقیق بعض اسباب قانونیه دن طولانی نقض
واعاده اولنمی اوزرینه مذکور اعلام شرعی
مضمونی ایکی نفر شاهدک شهادتیه ثابت اولسنه
بناء مذکور عرصه نک مشترکاً طرفین جانبندن
تصرفی حقنده اعطا قلنان اعلام غیابی علیه نه
احمد مضراب افندی طرفندن اعتراض علی الحکم
عر فحالی اعطا اولنمی وغندالحا که معترض علیه
لاز احمد اگا مبرز اعلام شرعی موجبیه مذکور
عرصه یه مشترکاً متصرف اولدیلرینی مدافعه بیان
وانبا ایلمسی ملا بسه سیله اولبایده اجرا قلنان
محاکمه و تدقیقات نتیجه سنده شهادت واقعه ایله
مضمونی ثابت اولان اعلام شرعی به استناداً
مومی الیه احمد مضراب افندی نک اعتراضات نک
ردیله طرفینک منازع فی عرصه یه مشترکاً تصرف
ایتمزین دایر اولان اعلام غیابینک تصدیقنه حکمدن
واشبو حکم علیه نه مستدعی تمیزی احمد مضراب

تصدیقہ حکمدن عبارت اولسنہ کورہ حکم
مذکور اسباب موجبہ مستند و اصول و قانونہ
موافق اولوب مستدعینک بالادہ محرر اعتراضاتیلہ
سائر اعتراض نقض حکمی موجب کوریلہ مدیکندن
اعتراضات مبحوث عنہا نک ردیلہ اصول محاکمہ
حقوقہ قانونسک ایکوز اوتوز برنجی مادہ سی
موجبہ اعلام مذکورک تصدیقہ وزیردہ
مفرداتی مرقم یوز اوتوزسکنز بحق غروش مصارف
محاکمہ نک مستدعی تمیز رجوع ایتک اوزرہ
اول امردہ مدعی علیہدن التمسہ ۳۰ تشرین ثانی
سنہ ۳۱۱ تاریخندہ متفقاً قرار ویریلہ رک
تفہیم قلندی .

قرہ حصار صاحب بدایت محکمہ سندن ۹
اگستوس سنہ ۳۰۵ تاریخ و سکسان ایکی عددی
ایلہ ویریلان اعلامک تمیزی استدا ایدن
زراعت بانکہ سی وکیل اوخانس افندی یوم معیندہ
دائرہ کلوب مدعی علیہ قرہ حصار صاحب
قصبہ سندن مقیم جیل ابراهیم زاده بکر افندی

کلدیکی کی جواب لایحه سی دخی کوندر مدیکندن
یالکز وکیل مومی الیہک ایضاحات شفاهیہ سی ایلہ
باش مدعی عمومی معاونلرندن سعادتلو یوزخاکی
افندیکنک مطالعہ سی استماع قلندقدن صکرہ تدقیقات
تمیزیہ اجراسنہ ابتدار قلندی .
اعلام مذکورک خلاصہ مالی مزبور بکر
افندیکنک حاجی محمد ورفعت افندیلر کفالتیلہ
قرہ حصار صاحب منافع صندوقندن استعراض
ایلدیکی مبالغ معلومہ نک ایام مارہ گذشتہ سیلہ ممآ
بالغ اولدینی بکرمی طقوز بیک کسور غروشک
تحصیلی حقندہ محلی زراعت بانک شعبہ سی وکیل
طرفندن اقامہ اولنان دعوانک یوم محاکمہ سندنہ
اصیل وکفیل مومی الیہمک عدم اجابتلری جہتلہ
غیاہلرندہ تعیین قلنان وکیل مسخر حضوریلہ
جریان ایدن محاکمہ و تدقیقات نتیجہ سندنہ صندوق
مذکورک مدعی علیہم ذمتلرندہ جہت اصالت
وکفالتندن مطلوبی اولدینی وکیل مسخر مزبورک
انکارینہ مقارن عندالحاکمہ ابراز اولنان سندمالیلہ
تحقق ایتش اولدیفندن مبالغ مذکورہ بر منلی
فائض ضمیمہ بالغ اولدینی بکرمی بیک اوچوز
بکرمی اوچ غروشندن مومی الیہ حاجی محمد افندی
یالکز درت بیک بشوز غروشہ کفیل اولدیفندن

مقدار مذکور مبلغک مومی الیہدن و بیک قرق
الٹی غروشک رفعت افندیدن و متباقی اون درت بیک
بدیوز یتش یدی غروشک دخی مدیون مرقوم
بکر افندیدن تحصیلنہ و صندوق مذکور وکیلک
فاحش گذشتہ حقندہ کی طلبک ردینہ حکمدن
و مستدعی تمیزک اشبو حکم علیہندہ کی اعتراضاتک
خلاصہ سی مراجعہ نظامنامہ جدیدینک حکمی
مقدما وقوعبولان بوکی مدایناتہ شامل اولہ
میہ جنی درکار ایتن محکمہ جہ بوجہتہ دقت
اولماسی بولسز اولدیفندن بحثلہ اعلامک نقضی
استدعاسندن و معاون مومی الیہک مطالعہ سی دخی
مبلغ مدعا بہ بر منلی تجاوز ایتامک اوزرہ فائض
یوریدلسنہ قرار ویریش ایسہدہ دین واقمک
تاریخ عقدی مراجعہ نظامنامہ سندن مقدم اولوب
قانونک ماقبلہ شمولی اولماسنہ بناءً بوجہت
حقندہ کی اعتراضک موافق قانون اولدینی بیانندن
عبارت بولمشدر .

ایجابی مذاکرہ اولندقدہ اعلام مذکورک
نتیجہ حکمی قرہ حصار صاحب زراعت بانک
شعبہ نک مزبور بکر افندی و حاجی محمد افندی
ورفت افندی ذمتندہ الاجنی اولدینی عندالحاکمہ
ابراز اولنان سندعات مندرجاتیلہ ثابت اولان

مبالغ معلومہ نک بروجہ محرر مدعی علیہمدن
تحصیلنہ حکمدن عبارت اولسنہ نظرآ حکم
مذکور اسباب موجبہ مستند و اصول و قانونہ
موافق اولوب مستدعی تمیز وکیلک بالادہ محرر
اعتراضاتیلہ معاون مومی الیہک مطالعہ سی شایان
قبول کوریلہ مدیکندن اعتراضات مبحوث عنہانک
ردیلہ اصول محاکمہ حقوقہ قانونسک ایکوز اوتوز
برنجی مادہ سی موجبہ اعلام مذکورک تصدیقہ
وزیردہ مفرداتی مرقم اوچوز التمسہ ۲ تشرین
مصارف محاکمہ نک مستدعی تمیز رجوع ایتک
اوزرہ اول امردہ مدعی علیہمدن التمسہ ۲ تشرین
ثانی سنہ ۳۱۰ تاریخندہ متفقاً قرار ویریلہ رک
تفہیم قلندی .

جسر مصطفی پاشا قضای بدایت محکمہ سندن
۲۴ اگستوس سنہ ۳۱۰ تاریخ و طقوز عددی
ایلہ ویریلان اعلامک تمیزی استدا ایدن جسر
مصطفی پاشا قصبہ نک بایندر محلہ سندنہ ساکنہ
آملیا خاتون وکیل قرہ بت افندی یوم معیندہ

دائرة به گش ایسه ده مدعی علیه قصه مذ کورده
مقیم عسا کر شاهانه اجزا جیلرندن محمد هدایت
افندی کلامش اولدیفندن یالکز وکیل من بورك
ایضاحات شفاهی سی استماع قلندقدنصره ندقیقات
تمیز به اجرا سانه ابتدار اولندی.

اعلام مذ کورک خلاصه مالی من بور محمد
هدایت افندی منک اون ایکی لیرا مقابلنده وارد وکاه
نام موقمه اشترا ایدوب من بور آملیا قادی
عهده سنه معامله فراغیه سنی اجرا ایتدیرمش
اولدینی معلوم الحدود بر قطعه عرصه سی اوزرینه
بوکره مجدداً بر باب خانه دخی انشا ایتش ایسه ده
من بوره آملیا قادی فضولاً مذ کور خانیه ضبط
ایدرك مداخله ایتکده اولدیفندن بمحله مداخله
واقعه سنک منعیله مع اجرای موقت تخلیه سنی
طلب و دعوی ایتسی ولاجل المحاکمه وقوع بولان
دعوته مدعی علیها من بوره آملیا قادی منک اجابت
ایتماسی اوزرینه محافظه حقوق ضمننده محکمه جه
تعیین قلنان وکیل مسخر حضور یله جریان ایدن
محاکمات و تدقیقات نتیجه سننده منازع فی خانیه
مدعی من بور محمد هدایت افندی کندی پاره سیله
انشا ایلدیکی لدی التزکیه عدل و مقبول الشهاده
اولان شهودک شهادت واقعه لری ایله ثابت

اولدیفندن مجله منک بیک سکز یوز اون سکزنجی
ماده سی حکمه توفیقاً مذ کور خانه منک تخلیه سیله
مدعی هدایت افندی به تسلیمه حکمدن و مستدعیه
تمیز آملیا قادی منک وکیل قره بت افندی منک اشبو
حکم علیهنده کی اعتراضات منک خلاصه سی بوکی
عقاره متعلق اولان دعوا ورده توجه خصومت
ایچون اول امرده ذی الیدلک مسئله سنک بالینه
اثبات ایتدیر لماسی و منازع فی خانه موکله سنک
باشند خاقانی تحت تصرفنده ایکن بوکا قارشوشود
شخصیه استماع قلنسی بولسز و مغایر قانون
اولدیفندن اعلام منک قضی و مدعی علیه محمد هدایت
افندی منک لایحه سننده مندرج نتیجه اجوبه سی ایسه
اعتراضات مسروده منک واهی و بی اساس اولدینی
بیانیه ردی و موافق اصول و قانون اولان
اعلام منک تصدیق استدعا سنندن عبارت
بولمشدر.

ایجابی لدی المذاکره اعلام مذکور
مطالع سنندن منقهم اولدینی اوزره دعوی واقعه
عقاره متعلق اولمغه اول امرده توجه خصومت
ضمننده ذی الیدلک مسئله سنک بالینه اثبات
اولنماسی و استماع قلنان شهودک علناً امر تزکیه
لرندن صرف نظر ایدلسی و مدعی من بور هدایت.

اعلان

افندی منازع فی خانه منک عرصه سنی کندی الوب
مدعی علیها منک ابنیه سنی دخی کندی سنی یایدیر دیفندن
بمحله خانه مذ کوری دعوی ایلدیکی حالده یالکز
ابنیه سی کندی سنی یایدیر دیفنی شهود شخصیه ایله
بالاثبات خانه منک تسلیمه حکم اولنسی بولسز
و مخالف قانون اولدیفنه و مستدعیه وکیل قره بت
افندی منک اعتراضاتی دخی بوجهته متدائر اوله رق
شایان قبول بولندیفنه بناءً اصول محاکمه حقوقیه
قانون منک ایکیوز او تو زایکنجی و ایکیوز قرق برنجی
ماده لری موجبجه اعلام مذ کورک نقضیه قانون
مذ کورک ایکیوز قرق در دنجی ماده سی حکمه توفیقاً
کیفیتک صور محرره دائره سننده یکیدن بالرؤیه
اعلامه ربطی ضمننده محکمه مذ کوره به اعاده سنه
وزیرده مفرداتی مرقم ایکیوز سکسان درت بحق
غروش مصارف تمیزیه منک ایلردوده حقسز
حقیقه جق طرفه رجوع ایتک اوزره اول امرده
مستدعیه من بوره آملیا قادی منک سنه ۱۵ اغستوس
سنه ۳۱۱ تاریخنده متفقاً قرار ویر یله رک
تفهیم قلندی.

عدلیه نظارت جلیله سنک منک اوغلی بدایت
محکمه سی وزنه دار سابق نوری افندی منک ذمت
میریه سنندن طولانی مومی الیه نوری افندی ایله
کفیلی سقا اصنافندن عمر اغا ذمتلرنده الاجبی
اولان معلوم المقدار مبالغت تأمین استیفاسی ضمننده
بولردن نوری افندی منک حاصکویده حاجی شعبان
محله سننده عربه جیلر جاده سننده طویچی باشی محمد
افندی وقفندن ۳۴ و ۳۶ و ۳۸ و ۴۰ نومرولی
متصرف اولدینی بر باب خانه ایله مرقوم عمر اغاک
دخی کیچه جی پیری محله سننده او طه لر سواقغنده
کائن متصرف اولدینی ۳ نومرولی خانه منک نصف
حصه شایعه سیله پیری پاشا محله سننده مانبدیل
زقاعنده مکرر ۴۵ نومرولی ایکی باب خانه منک
کذلک نصف حصه شایعه لری نظارت مشار الیه منک
طلب واستدعا سنه بناءً منک اوغلی بدایت محکمه سی
ریاست اولیسی جانندن اعطا بیوریلان قراره
توفیقاً تحت حجزه النمش اولمغه تاریخ اعلانندن
اعتباراً اون بش کون صکره بالزایده فروخته
تثبت اولنه جفی منک اوغلی بدایت محکمه سی اجرا

مأموریتی جانبدن اعلان اولنور.

فی ۳۰ مایس سنه ۳۱۲

سایمان بکک توفیق بک ذمتنده ایکی قطعه
اعلام غیابی مصدقندن طولایی الاجنی اولان
مبالغت تأمین استیفاسی ضمتنده تحت ججزده بولنان
ادرنه قیوسی خارچنده طویچیلرده کرکی
چفتلککنده واقع صماناقده یوز قنطار صمان اشبو
ماه حال رومینک طقوزنجی بازار کونی محل
مذکورده ساعت بش راده لرنده بعد المزیاده
فروخت اولنه جفتندن طالب اولنلرک محله عزیمتله
مأمور مخصوصه مراجعت ایلملری اسکدار بدایت
محکمه سی اجرا داتره سندن اعلان اولنور.

فی ۵ حزیران سنه ۳۱۲

قرالیان آرتینک قره بت زوجیه سی دیروچی
بنت آغوب ذمتنده توقاد بدایت محکمه سی اعلامیه

الاجنی بولنان مبالغت تأمین استیفاسی ضمتنده
تحت ججزه النان قاضی قریه سنده عثمان اغا محله سنده
خدا وردی اوغلی سواقانده اون بر نومرولی
خانه دن من بوره نک متصرفه اولدینی نصف
حصه سی تاریخ اعلانندن اعتباراً اون بش کون
صکره بالمزایده فروخته مبادرت اولنه جینی
اسکدار بدایت محکمه سی اجرا داتره سندن
اعلان اولنور.

فی ۸ حزیران سنه ۳۱۲

زینب نظیره خانمک احمد افندی ذمتنده قسمت
عسکری محکمه سندن ویریلان ۲۰ جاذی الاول
سنه ۳۱۲ تاریخی برقطعه اعلام شرعی موجب
الاجنی اولان مبالغ معلومه نک تأمین استیفاسی
ضمتنده مدیون موسی الیهک عهده سنده اولوب
مجبوز ودرسمات برنجی حقوق داتره سندن
ویریلان اعلام ایله فروختی محکوم بولنان لاله لی
قرینه الاچه مسجد نام دیگر مرجک محله سنده
یکی زقاقده اوتوز سکرز نومرو ایله مریم بر باب
اخشاب منزل بوندن مقدم مزایده قونیلررق

لیرای عثمانی یوز غروشدن اون بر بیک غروش
بدل ایله طالبی اوزرنده تقرر ایتش اولدیفندن
بوزده بش ضمیمه بوندن دهاز یاده به طالب اولنلرک
واطرافلیجه تفصیلات المق استیانلرک اشبو تاریخ
اعلانندن اعتباراً اوتوز برکون طرفنده درسمات
اعلامات شرعیه اجرا داتره سنه مراجعت ایلملری
اعلان اولنور.

فی ۸ حزیران سنه ۳۱۲

فاطمه خانمک محمد علی افندی ذمتنده محکوم به
الاجنی اولان معلوم المقدار مبالغت تأمین استیفاسی
سیچون مدیون موسی الیه محمد علی افندینک
متصرف اولدینی داود پاشا محله سنده طاز خانه
مکتبی زقاقانده ایکی نومرولی و تخمیناً و تربیعاً یوز
اوتوز آرشون خانه عرصه سیله طقوز یوز یکریمی
آرشون پنجه نک تمامی تاریخ اعلانندن اون بش
کون صکره بالمزایده فروخته تشبث اولنه جینی
درسمات اعلامات نظامیه اجرا داتره سندن
اعلان اولنور.

فی ۱۰ حزیران سنه ۳۱۲

خرم لبونک چیچکچی فرانکل میناسیان ذمتنده
با اعلام الاجنی بولنان مبالغت تأمین استیفاسی
ضمتنده تحت ججزه النان قاضی قریه سنده جعفر اغا
محله سنده موده جاده سنده برطرفی فروزی قادی نک
خانه سی و برطرفی دولکر یناقو خانه سی و برطرفی
مرقوم فرانکلک کندی خانه سی و طرف رابعه سی
طریق عام ایله محدود و تخمیناً یوز الی آرشون
عرصه اوزربنه مینی دروننده اوج اوطه و بر
صوفه و مشترک تخمیناً در یوز آرشون بقچه
و بر ماء حاوی پدیری سرویه دن ارثاً انتقال
ایده جک طقسان طقوز نومرولی بر باب خانه نک

فاطمه فریده خانمك فتوتلو بهجت بك ذمتنده
محكوم به الاجبى اولان مبالغ معلومهك تأمین
استیفاسی ضمتنده مومی الیهك عهدۀ تصرفنده
اولوب محجوز و فروختی مقرر اولان مقری
قریه سنده آق صو جاده سنده واقع برباب خانه سنك
على الاصول موقع مزایده به قونیه رق فروختی
در سعادت بدایت محكمه سی ریاست اولی سندن
اشعار اولتمش اولدیقندن مذکور خانهك اون
بش کون صکره بالمزایده صاتیله جنی و طالب لرك
چکمه جنة صغیر بدایت محكمه سی اجرا دائره سنده
مراجعت ایلملری اعلان اولنور .

فی ۱۲ حزیران سنه ۳۱۲

عمومیه دعواسی ساقط اولمش ایسده کفالت
و وراثت جهتیله مسئول بالمال صفتیله تحت محاکمه به
النان متوفای مومی الیهك زوجہ سی فرانسه
دولت فیخیمه سی تبعه سندن مادام ماری و کیره
کریملری مادموازل اغلاشیه و لویز و برت
و مخدوملری موسیو آرمان و آنری ویتالیسندن
مومی الیه موسیو آرمانك معلوم بر اقامتگاهى
بولنامسینه مبنی دعواى واقعهك رؤیتى اشوبوبك
اوجیوز اون ایکی سنه سی کله جك شهرتترین اولك
یکرمی طقوزنجی صالی کوننه تعلیق قلنهرق نامنه
طولدیبریلان جلبنامهك برنسخه سی اصول محاکمه
حقوقیه قانون موقتك یکرمی التبعی ماده سنده توفیقاً
محكمه دیوانخانه سنده تعلیق ایدلمش اولدیقندن
مومی الیهك یوم مذکورده ساعت النیده محكمه به
کلمسی ویاخود طرفندن مصدق بروکیل کوندرمى
لازم کله جکی وبالذات ورود ایتدیکی و وکیل
دخی کوندرمدیکی تقدیرده حقنده معامله غیابه
اجرا ایدیله جکی اعلان اولنور .

فی ۱۲ حزیران سنه ۳۱۲

اشای مأموریتلرنده ذمتلرینه اموال میریه
کچوردکلری بیان وشکایت اولتمسندن ناشی مظنون
علیهما اولان غلطه پوسته خانه سی مدیر سابق
ویتالیس و معاوف میساق اقتدیلدردن ویتالیس
اقتدینك وقوع وفاتی جهتیله حقنده کی حقوق